

سخرية لاذعة على "تويتر" بعد وصول سعر كرتونة البيض إلى 80 جنيها



الثلاثاء 20 سبتمبر 2022 04:02 م

كشف ناشطون على مواقع التواصل الاجتماعي أن أصحاب مزارع الدواجن التي تصل قدرتها التشغيلية إلى 5 آلاف دجاجة قد تكبدت خسائر تصل إلى ما يقارب نصف مليون جنيه جراء وصول سعر طبق البيض إلى 80 جنيهاً

وأضافوا أن استمرار سعر طبق البيض على هذا النحو المرتفع أو زيادته في المستقبل القريب، سوف يؤدي في ختام السنة إلى خسائر لأصحاب المزارع هي الفرق بين التكلفة التي تصل إلى ٦٩ جنيه للطبق (علف وكهرباء وعلاج) وبين السعر الذي لا يسد كلفة (النقل) في وقت تفخر فيه حكومة السيسي بزيادة صادرات مصر من البيض في حين لا تستطيع أن توفره بأسعار في متناول عموم المصريين

الكوميديا السوداء

وعلى نمط كوميديا محمد صبحي عبر ناشطون ومغردون عن دهشتهم من ارتفاع أسعار البيض، وكتبت نرمين (@nemonona00)، "سعر البيض بقي في مستوى ساندويتش طالب المدرسة الإنترنتاشيونال".

وأضاف (@kabochawaine)، "أتوقع بعد أربع سنين يبصير عندنا فئة من المجتمع اسمهم حرامية البيض أغلبهم من اصحاب الدخل المتوسط ناس آخر مرة داقت البيض يوم كان سعر الطبق ٢٣ والآن معاد عنده القدرة يتحمل يفطر ساندوتش جبن بعد اليوم".

وقالت (@Monia_6): بجد ارتفاع أسعار المأكولات بقي يتعب نفسيًا، حسبنا الله ونعم الوكيل وجبة الإفطار بقت أغلى من الغدا الناس تعيش إزاي بجد حاجه تخنق، كرتونة البيض بقيت ب 78 لبيبييه، ولسه أما الدولار يزيد آخر الاسبوع، هتوصل أقل حاجه 100

وعلق خالد الأمير (@KhaledElAmeer12)، مخاطبا السيسي "طب ما طالما عكت و مش عارف تحل الازمة ما نتخلي عنك اسهل؟؟ ما هو انت لما تخلي البيضة سعرها يوصل ٣ جنيه و تيجي تقولولي خليكوا جنبي في الازمة هقولك مش هينفع اكل عيالي ازمة؟؟ و بعدين انت وعدت انهم ٣ سنين و احنا داخلين في ٨ .. أوامر يا ريس ما تولعوا فينا وتريحونا؟؟".

وقالت سارة رسلان (@saharraslan): تخيل إن سعر البيضة بقي ب ٣ جنيه، = لبيبييه .. الفرخة بتبييض قيصري !!!

وعن التدهور الذي لحق البلاد في عهد السيسي، قال سمير عطا الله (@kKUyO96FpKnvQNO): "استلمها الدولار 7 جنيه وأقل واللحمه 45 جنيه والدجاج الكيلو 9/10 جنيه العنب 1.5 جنيه ونصف السكر 2.75 الدقيق 1.5 العسل الأسود 3 جنيه البيض 5. البيضة خمسون قرشاً وأقل الكرتونه 13 جنيه المواصلات كانت من مثلا مصر الجديده الى الهرم 4 جنيه القطار من القاهرة إلى الإسكندرية".

وأيده مجدي كامل (@_magdymohamed) قائلا: "بعد ما كانت البيضة بربع جنيه السيسي دخل في صناعة الدواجن وخلها ب 0 جنيه وخرب بيت أصحاب المشاريع الخاصة وانتحروا كلهم .. وقالك الجيش حينزل بيض ولا تدفع أكثر من ٣ جنيه في البيضة؟؟ زي مزارع السمك البلطي دخل فيها خلي سعر ازيل سمك في مصر ٨٠ جنيه .. بعدما كان أكل الغلابة وب ٣ ج الكيلو".

فيما سخر حسام أحمد (@Hossam_Ahmed_01) قائلا: سعر البيضة يختلف ضمن الباكج لو هتاخد من 1:14 بيضة يبقي بسعر "اغلي واحد" لو هتاخد نص الكرتونه يبقي بسعر ثاني "ارخص شوية" لو هتاخد الكرتونة كلها يبقي بسعر ثالث "ارخص سعر" مع العلم ان الكرتونة ب75 جنيه يعني البيضو ب2.5 فما بالك بقي لو عايز 3 او 4 بيضات الواحد عايز يشتغل فرخة☹️